

回族和中国伊斯兰教古籍资料汇编

天方至圣实录年谱

天方至聖實錄年譜

回族和中国伊斯兰教古籍資料汇编


天方至聖實錄卷之七

起爲聖初年至五年事實

爲聖先徵

自古聖賢相傳。經書紀載。末世聖人之儀表。德性。與夫生於何時。產於何地。籍貫何氏。爲聖何日。無不符合焉。

先賢賽理默曰。吾舊有鄰。奉二氏教。嘗語人。末世聖人之德。暨受命爲聖之時。與救度教。生之事。衆曰。何以知之。隣曰。教長言之。古經



載之將受命矣。要在何時。隣指予曰。此子有
壽。必能見之。予默識於心。日夜思皇至。聞聖
受命。遂歸之。

先賢阿孫曰。吾某某甲。原二氏人。有朱乎。得
與之爭。不勝。曰。末世聖人將受命矣。必殺汝。
既而受命。某甲人入教。朱乎得聞之。潛踪避
去。

又曰。昔有朱乎。得名奚邦者。沙牧人在聖受
命之前二年。自沙牧移家默底納。居古來作。

宅一日病篤呼古來作及衆隣友告曰吁爾
衆尊者知之乎吾所爲棄故土而來異國者
爲有末世聖人將受命都此思欲得之而歸
之也吁吾今將死矣不獲覲其光矣汝衆先
民也。謂前輩聖人教生也曷從之順之當有大福大慶
此聖仁威並著千古封印之聖也言訖而卒
越二年聖果受命默底納老人率鄉長數人
來墨克進教請聖遷駕默底納聖許之後來
遷默底納之由蓋始于此

脫理合賈沙牧寓圍宿里有天主教道者入
市訪墨克人。脫理合應曰。吾自墨克來也。道
者曰。墨克有人名額合默帝乎。曰何氏。曰爾
卜賓喇希之子。爾卜篤之孫也。脫理合曰。有
之。此人名穆罕默德也。道者驚曰。果然則是
矣。無疑矣。此人此月必準爲聖。其古今萬聖
之領袖也。額合默帝。其未生以前在天之稱
也。穆罕默德。其既生以後歷世之名也。生于
墨克都于默底納。天生奇花異果。萬年棗以

待之。古經載之如此。父老傳之如此。而今驗
矣。不虛也。吾信而歸之。脫理合市解。歸墨克。
一路聞穆罕默德受命爲聖。額補白克爾爲
其輔。迨至墨克。果然。遂因白克爾見聖入教。
聖將受命時。各教之人。多父訓其子。兄誠其
弟。朋友互相勸約。立遺書作盟券。云若穆罕
默德受命爲聖。必從之。
墨克朱乎得忒爾撒之首領。常語其衆。銷毀
供器。掃除殿堂。將行新聖之教矣。其德性爲

天下冠其品位爲萬聖尊奉主命草除衆教而封萬聖之印者也。迄聖受命闡教行化二氏之順教者十之九。聖過朱乎得寺衆方誦討刺忒經輒止。有病者隅坐聖問之曰誦經何止。病者對曰誦至末世聖人之德矣。取經一卷指其處曰此末世聖人之德與其教生之動靜也。今人每誦至此則默過恐人聞之也。昨不諭衆乎。末世聖人受命矣。爾衆其緩從之。以待吾命。白克爾從旁指聖曰吁是卽

末世聖人也。病者仰視良久。亟下拜。泣曰。病夫心願服從聖教。聖命誦清真言入教。遂卒。聖人嘆曰。若人信心朝聞道。夕死可矣。命以穆人禮葬之。

初聖從叔他吏部賈沙牧有天主教士人訪聖于衆商之中。得之。執聖手曰。世界之尊者也。天主之欽差也。普世之慈祥也。衆曰。何以知之。曰。白雲覆頂。萬有皆與之叩也。沙牧道者。小海刺天主教人。乃爾撒十二宗

會之一。博通古經。有道行。遠邇之人欽仰之。
素知聖人之德位。嘗具表禮來謁。以冀得一
見。爲終身榮。專俟其受命歸之。聞聖嘗從古
來氏來。賈於沙牧。乃移居圍宿里之道旁。覘
聖之來。一日遙見白雲浮商隊之上。雲與人
同行同止。曰。聖在其中矣。遂備盛筵豐饌。并
延衆賈。欸待殷勤。衆賈異之。曰。嚮也具禮求
見而不可得。今得一見足矣。何復與饌。道者
曰。贖往罪耳。舉聖第一位。衆不悅。厄卜折害。

力曰吾其叔也。衆其親長執友也。孺子孤兒。
烏敢僭卜。海刺曰。諸君以其爲孤兒幼子耶。
其汝衆中至貴者也。天地中之至尊也。其將
爲天差聖人。雖帝王不能僭其位。况不及帝
王者。吁。諸君亦知今日設饌之意乎。亦知吾
自殊鄉而遷居此地之意乎。總爲此孤兒一
人也。于是厄卜折害等。多人遁去。
火師菴墨克郊外佛室也。有活佛上座。衆者
受記擁跪其前。佛高聲誦辭曰。嗚呼。求形逐

相曰親佛子之徒。吾之所見。汝衆弗知。吾之
所知。汝衆弗識。動而得謗。委之溝壑。名印隨
之。如電如日。其爲天地之尊。人神之首。哈申
之重。孫萬聖之領袖。大道惟揚。天闕斯光。化
被無極。昭塞玄黃。亶威一震。邪逆滅亡。道明
教正。永禳平康。言畢。瞑目而逝。衆人多不識
所云。時有額卜胡來。勒在座。默識其意。閱三
日。聞聖受命。驗其誠。遂歸聖教。或人問曰。向
也。君奉佛甚謹。今也棄之。何故。胡來勒曰。初

吾奉朱乎得教。行禮而不知理。次奉天主教。談理而復謬于理。如彼言天主無像。而又云降生。降生則有像矣。教人莫拜佛。而自亦拜佛。佛氏稱象教。實鬼教也。莊嚴勝人。吾亦從而棄之。繼而聞活佛之名。欲投之以爲止宿之地。特往受記。今聞其言如此。故并棄之。而歸聖也。吾今而後乃悉知衆教之非。惟聖人之教。至真至實。而無容疑也。吾幸矣。脫諸陷阱。登天界矣。

為聖元年

丙午

○

天方通紀

飛曆四十年

○

啟思

王八百年

○東曆

隨開皇六年

陳至德四年

西刊德

九百一

十六年

三月

○勒比而奧卧立

東曆八月

十有二日

東曆十月

聖四

十

生

生辰十有三日

東曆四月

十

都閃白

受天命

即聖位

初聖未受命時即厭棄世情恭默思道日往

侯臘山登絕頂入深谷履巔巖坐幽窟仰觀

俯察遠觀近叅寓意天地之機遊心跡相之

表形神漸化物我俱忘恍乎無何有之鄉若

遊塵太虛若息漚洪海乍然而復有物也識

者曰。恍乎無何有之鄉。是其體也。本然之性也。乍然而復有物。是其用也。爲聖之品也。當此之時。殆如火之將燃。泉之欲達。明道闡化之機。兆端于此矣。此過四十歲。始蹈四十一歲。一日之夜。寢際。忽覺有神人諭曰。謫穆罕默德。汝道淳哉。汝德貞哉。世逃清潔。忠愛明哉。惟真主命汝踐祚聖位。任責天下萬物。非主。惟有真主。惟汝是真主。欽差普覺羣生。祇奉一主。裁制先聖一切教典。殄滅一切異端。

邪說。汝其承命。勿疑。勿忽。聖述之。哈底徹。徹。且驚且喜。曰。天命至矣。妾待久矣。第尚無顯命。未可明教。聖曰。力弱勢孤。任重道遠。不免歉然耳。

羣靈稱賀

聖晨起。復往侯臘山。于路聞聲。呼天差道。安爲賀。若曰。色喇目而來。克唧而蘇老喇希聖。心恐怖。迄至山麓。呼聲愈揚。亟至洞所。少憩。俄聞誦經聲。隱隱若蜂吟。不見人。若曰。世讚。

歸主。化育萬物。普慈獨慈。執掌公期。吾惟拜主。惟求主助。道吾正路。是夫人路主福之者。非禍之者。亦非迷路。此卽真經之首章法體。合章之大義也。聖默識其義。大悅。但心中恐怖。歸第于路。呼聲益震。聖揭衣裳。首而歸呼。赫底徹曰。吾病耶。徹詢其故。曰。勿畏天命。已定。羣靈爲君賀也。久爲君構靜室。預爲功課之所。盡居此。息靜以待顯命。

天神護從